



## XALQ DEPUTATLARI SURXONDARYO VILOYATI UZUN TUMANI KENGASHINING QARORI

Uzuntumani, O'zbekistonko'chasi 7-uy. tel.: (+99876)44-73-545, uzun.t@exat.uz

2022 - yil 9 - iyun

VI-44-77-8-118-K/22

Uzun tuman hokimligi

### **Uzun tumanidagi Yangi ro'zg'or mahallasi va Fayzova mahallasi hududiy chegarasini o'zgartirish va yangi mahallalarni tashkil etish to'g'risida;**

“Mahalliy davlat hokimiyati to'g'risida”gi va “Fuqarolarning o'zini o'zi boshqarish organlari to'g'risida”gi O'zbekiston Respublikasi Qonunlari hamda O'zbekiston Respublikasi Vazirlar Mahkamasining 2014-yil 4-martdagi “Shaharlar, posyolkalar, qishloqlar va ovullarning mahallalarini tuzish, birlashtirish, bo'lish va tugatish, shuningdek, ularning chegaralarini belgilash va o'zgartirish, ularga nom berish va ularning nomini o'zgartirish tartibi to'g'risidagi Nizomni tasdiqlash haqida”gi 48-son qarori, Uzun tuman hokimi va Uzun tumanidagi mahalla fuqarolar yig'inining hududiy chegarasini o'zgartirish va yangi mahallalarni tashkil etish to'g'risidagi takliflariga asosan xalq deputatlari Uzun tuman kengashi, **qaror qiladi:**

1. Uzun tumanidagi Yangi ro'zg'or mahallasi va Fayzova mahallasi hududiy chegarasini o'zgartirish va yangi mahallalarni tashkil etish to'g'risidagi Geografik ob'ektlarni nomlash va qayta nomlash masalalari bo'yicha tuman komissiyasining 2022-yil 1-fevraldagi 13-01/6-sonli bayoni, Uzun tuman hokimi va Yangi ro'zg'or hamda Fayzova mahalla fuqarolar yig'ini tomonidan berilgan takliflar ma'qullansin.

2. Uzun tumanidagi Yangi ro'zg'or mahallasi va Fayzova mahallasi hududiy chegarasini qayta ko'rib chiqish hisobiga yangi tashkil etilayotgan mahallalar ro'yxati hamda ularning nomlari 1-ilovaga, yangi tashkil etilayotgan mahallalar chegaralari va tavsifi 2-ilovaga muvofiq tasdiqlansin.

3. Tumandagi mahalla fuqarolar yig'inlari soni 51 ta deb yuritilsin.

4. tuman mahalla va oilani qo'llab-quvvatlash bo'limi (D.Safarova), Uzun tuman hokimligi:

Yangi tashkil etilgan mahallalarning to‘liq shakllanishi va faoliyati uchun zarur shart-sharoitlar yaratsin;

Hududlarga o‘zgartirish kiritilgan mahalla fuqarolar yig‘ini aholisi o‘rtasida tushuntirish ishlari olib borilsin.

5. Tuman hokimining birinchi o‘rinbosari (B.Hasanov), tuman moliya bo‘limi (B.Baratov) yangi tashkil etilgan mahalla fuqarolar yig‘ini xodimlari mehnatiga haq to‘lash uchun zarur mablag‘larni mahalliy byudjetdan belgilangan tartibda ajratish choralari ko‘rsin.

6. Tuman ichki ishlar bo‘limi (M.Ishkaraev) yangi tashkil etilayotgan mahallalarda yashovchi aholining fuqarolik pasportlariga, mazkur hudud aks ettirilgan yo‘l belgilariga tegishli o‘zgartirishlar kiritish ishlarini tashkiliy ravishda amalga oshirsin.

7. Tuman statistika bo‘limi (Sh.Xolnazarov), tuman (shahar), tuman qurilish bo‘limi (B.Abdullaev) tuman hokimligi bilan birgalikda yangi tashkil etilayotgan mahallalarni, davlat ro‘yxatidan o‘tkazish va elektron bazani shakllantirish, ish yuritish hujjatlariga tegishli o‘zgartirishlar kiritish bilan bog‘liq barcha tadbirlarni amalga oshirsin

8. “Bobotog‘ tongi” gazetasi tahririyati (I.Bobokalonov), tuman hokimligi axborot xizmati rahbari – matbuot kotibi (A.Qurbonov) mazkur qaror rasmiy e‘lon qilinishini ta‘minlasin.

9. Mazkur qaror rasmiy e‘lon qilingan kundan so‘ng kuchga kiradi.

10. Ushbu qarorning ijrosini nazorat qilish xalq deputatlari Uzun tuman Kengashining Ta‘lim, sog‘liqni saqlash, madaniyat, sport va ijtimoiy himoya masalalari bo‘yicha doimiy komissiyasi raisi S.Tashanov va Mahalla va nuroniylarni qo‘llab-quvvatlash bo‘limi boshlig‘i D.Safarova zimmasiga yuklatilsin.

Kengash raisi



B.B.Tursunov

Xalq deputatlari Uzun tuman Kengashining  
2022 yil 9 iyundagi  
VI-44-77-8-118-K/22-son qaroriga  
1-ilova

**Uzun tumanidagi Yangi ro‘zg‘or mahallasi va Fayzova mahallasining hududiy chegaralarini qayta ko‘rib chiqish  
hisobiga yangi tashkil etilayotgan mahallalar ro‘yxati va ularning nomlari**

<b>T/r</b>	<b>Bo‘linadigan mahallaning nomi</b>	<b>Bo‘lish hisobiga yangi tashkil etilgan mahallalar nomi</b>	<b>Joylashgan sektor hududi</b>
1.	Yangi ro‘zg‘or mahallasi	Yangi ro‘zg‘or mahallasi	2-sektor
		“Ittifoq” mahallasi	4-sektor
2	Fayzova mahallasi	Fayzova mahallasi	3-sektor
		“Surxon” mahallasi	

Xalq deputatlari Uzun tuman Kengashining  
2022 yil 9 iyundagi  
VI-44-77-8-118-K/22-son qaroriga  
2-ilova

### **Yangi tashkil etilayotgan mahallalar chegaralari va tavsifi**

Ittifoq mahallasi

Markazi: \_\_\_\_\_

Aholi: \_\_\_\_\_ ta

Oila: \_\_\_\_\_ ta

Chegarasi: ....

...

Surxon mahallasi

Markazi: \_\_\_\_\_

Aholi: \_\_\_\_\_ ta

Oila: \_\_\_\_\_ ta

Chegarasi: ....

...